

Biyaha Xaaladaha Gurmada

Wax badan kaga ogow xogsidayaasha la xiriira:

- U Diyaargarawga Guriga
- U Diyaarsanida Dhulgariir
- Kaltirsiga U Diyaarsanida

Macluumaad
dheeraad ah, booqo
Take5toSurvive.com

Khayraadka Dheeraad ah

Saadka Biyaha
Xaaladaha Gurmada:
www.bit.ly/2KY6YDf

U Diyaarsanida
Xaaladaha Gurmada:
<https://www.RegionalH2O.org/emergency-preparedness>

Samee Sanduuq/Biyo:
<https://www.ready.gov/water>

Inaad biyo u kaydsato xaaladaha gurmada ah waa mid kamid ah waxyaalaha ugu muhiimsan ee aad samayn karto. Dadka intooda badan waxay noolaan karaan dhawr maalmood ama toddobaad cunto la'aan laakiin dhawr maalmood oo kaliya biyo la'aan.

**U kaydi hal gallon
oo biyo ah qofkiiba
oo muddo laba
toddobaad ah
ku filan**



Haysashada biyo nadiif ah waxay aasaasi u tahay cabbitaanka, cunto karinta iyo maydhista gacmaha. Meel u dhig hal galaan maalintii qof kasta muddo laba toddobaad ah, haddii ay suurtoagal tahay. Kadib dhulgariir wayn, waxay qaadan kartaa laba toddobaad ama ka badan in saadka gurmada uu yimaad. Intaa kahor, qof kasta oo innaga mid ah wuxuu ku tiirsanaan doonaa saadkeena. Biyaha moorsan oo aad iibsato waa qaabka ugu sahlan ugu ammaan badan ee biyo loo kaydsado. Noqo mid amaan ah oo fuuqceshan adigoo talooyinkan iyo tilmaamahan raacaya.

Fuuqcelinta Aad Samaynayso iyo ta Aadan Samaynayn

- Cab xaddiga biyaha aad u baahan tahay, adigoo isticmaalaya biyo aad ogtahay inayna wasakhaysnayn.
- Jimicsigaaga intii suurtoagal ah yaree. Mar kasta oo aad shaqo badan qabato, waa mar kasta oo jirkaagu biyo badan isticmaalo.
- Aad uga warhay fuuqcelinta carruurta, dadka waayeelka ah, dadka buka iyo xayawaanka maadaama ay si fudud u fuuqbixi karaan.
- Ha cabbin biyo sonkor leh, alkohool leh, kafiin leh ama sharaabka soodhaha leh. Waxay fuuqbax ku sameeyaan jirka taasi oo kordhisa baahida biyaha.
- Ha cunin cunto cusbadu ku badan tahay sida jibista baradhada, pretzels ama lawska cusbada leh kuwaasi oo harraad badan kugu keeni doona.
- Biyo nadiifiye ha ku darin biyaha leh kiimikooyin ama saliido. Biye nadiifiye kasta oo ammaan ah kama dhigi karo qaar la cabbi karo.

Sida Biyaha Nadiif looga Dhigo



Isticmaal kaliya biyaha ammaanka ah ama la nadiifiyey si aad cunto ugu karsato, ilmaha caanaha ugu laaqdo ama cabbitaanada kale ugu samaysato, ugu dhaqdo musaasadaha ilmaha, weelka, ugu cadaydo ilkahaaga oo aad ugu maydho gacmahaaga. Ma jirto qaab nadiif looga dhigo biyaha leh saliido

ama kiimikooyin.

Dooqa 1: Karkarinta Dhariga ama kildhiga wayn, biyaha gaarsii inay isrorogaan hal daqiiqo oo buuxda. Biyaha in ka mid ah ayaa uumi noqon doonaa sidaa darteed intaa in ka badan ayeyna sii karkarin. U daa biyaha inay qaboobaan kahor isticmaalka.

Dooqa 2: Jaafeelka Ku nadiifi biyaha jaafeel dareere ah oon ur lahayn kaasi oo ka kooban 5.25 ilaa 6.0 boqolkiiba sodium hypochlorite. Ha isticmaalin jaafeelka axalka ah, urta leh ama aadka u ribban. Ku dar 1/8 qaaddada shaaha ah (ama siddeed dhibcood oo dhibciyaha

indhaha la isticmaalay) halkii gallon ee biyo ah. 30 daqiiqo sug inta aadan isticmaalin. Haddii biyaha ceeryaan dhex yaacdo, hannaanka ku celi oo sug 15 daqiiqo. Haddii biyaha jaafeel ka uri waayo, iska qub.

Ilaaha Biyaha Nadiifta ah Xaaladaha Gurmada




Dhulgariirka ama dhibaato ka dhacda nidaamka biyuhu waxay ku badi karaan inaad biyaha qasabadda aad waydo. Kaydsiga biyuhu waa qaabka ugu wanaagsan ee loo diyaargarooobo. Haddii aad biyo u baahan tahay xaalad gurmada ah oo aadan iibsan karin, hoos waxa ah talooyin aad si ammaan ah biyo ugu heli karto.


Taangiga biyaha kulul

Taangigaaga biyaha kulul waxa kujira 30 ilaa 80 gallon oo biyo la cabbi karo ah. Haddaba ku dhaqaaq inaad dhulgariirka ka badbaadiso adigoo gidaarka ku qabanaya. Kadib dhulgariirka wayn ama fatahaado, ka ilaali biyaha kulayliyaaga kujira wasakhaw adigoo iska xiraya biyaha soo galaya gurigaaga.

Koronteed



Naqaska



Si aad u isticmaasho biyaha kulayliyaaga xaalad gurmada ah, raac tallaabooyinkan:

1. Naqaska ama korontada iska xir kahor inta aadan biyaha isticmaalin.
2. Xir biyaha soo galaya kulayliyaaga biyaha.
3. Hawada u sii daa kulayliyaaga biyaha. Sidan waxaad ku samayn kartaa adigoo fura dabool neefsi oo ku yaala dhinaca ama taangigaaga ama adigoo furaya (daaraya) qasabadda biyaha kulul ee guriga.
4. Ku xiriiri tuumbada biyaha la cabbo daboolka bixitaanka ee qaybta hoose ee taangiga. Wareeji gacanka ama isticmaal keeb si aad si qunyar ah ugu furto daboolka bixitaanka. Ururi biyaha, adigoo ka shaandhaynaya wixii heehaab ah adigoo isticmaalaya maro weeleed ama garan nadiif ah.

Ilaaha Biyaha Bannaanka

Meelo kale oo biyo laga heli karaa waa roobka, barkadaha dabbaasha, biyo-fadhiisiyada, haraha ama laagaha iyo webiyada biyuhu socdaan. Marnaba ha isticmaalin biyaha saliidda ama kiimikooyinka kale leh. Haddii biyuhu u muuqdaan qaar ammaan ah, dhaanso oo nadiifiye ku dar. Hubi inaad isticmaasho maro nadiif ah si aad u shaandhayso kahor inta aadan karkarin ama adigoo isticmaalaya jaafeel sida lagu sharraxay **qaybta Sida Biyaha loo Nadiifiyo**.

Biyaha Moorsan ee Kaydsashada



Biyaha moorsan oo aad iibsato waa qaabka ugu sahlan ugu ammaan badan ee biyo loo kaydsado. Biyaha moorsan oo guriga aad dhigato way ka jabnaan karaan laakiin way ka shaqo badan yihiin oo waxaad u baahan tahay inaad baddasho biyaha lixdii biloodba mar. Raac tallaabooyinkan si aad si ammaan ah ugu mooriso biyahaaga.

Soo qaado weel biyaha lagu shubto. Ha isticmaalin kuwa caanaha ama juuska loogu talagalay. Istimaal saabuunta weelka iyo biyo nadiif ah oo si fican u maydh, ilaa furkiisa. Biyaha nadiif ah ku xallee. Marka xiga diyaari milan jaafeel ah adigoo hal qaaddada shaaha ah oo buuxda oo jaafeel bilaa ur ah ku daraya afar koob oo biyo ah kuna shubaya weelkaaga wayn. Ku gijji furka oo

si fican u rux muddo 30 daqiiqo ah, adigoo hubinaya in jaafeelku wada gaaray oogada weelka oo dhan. Faaruqi oo hawada ku qallaji. Markii aad buuxiso weelkaaga, hubi inaad taaban gudaha dhalada ama furka. Biyo ka buuxi ilaa heerka u sarreeya. Haddii aad isticmaalayso biyo aad karkarisay ama nadiifiye ku dartay, waxaad u baahan doontaa inaad ku darto 1/8 qaaddada shaaha ah oo jaafeel ah gallon kasta. Hubi in furku ku gijisan yahay. Calaamadi oo taariikhda ku qor weelka si aad u garato markii aad diyaarisay.

Dhig biyahaaga meel si fudud looga heli karo taasi oo madow oo qabow. Baddal biyaha lixdii biloodba halmar oo ku celi tallaabooyinka nadiifinta weelka ee sare.